

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULIZA LEO

MKUTANO WA SABA

KIKAO CHA KUMI NA NANE

5 MEI, 2017



ORODHA YA SHUGHULI ZA LEO

MKUTANO WA SABA


KIKAO CHA KUMI NA NANE – TAREHE 5 MEI, 2017

I. DUA:

II. HATI ZA KUWASILISHA MEZANI:

WAZIRI WA HABARI, UTAMADUNI, SANAA NA MICHEZO:

Hotuba ya Makadirio ya Mapato na Matumizi ya Wizara ya Habari, Utamaduni, Sanaa na Michezo kwa Mwaka wa Fedha 2017/2018.



MWENYEKITI WA KAMATI YA HUDUMA NA MAENDELEO YA JAMII:

Taarifa ya Kamati ya Huduma na Maendeleo ya Jamii kuhusu utekelezaji wa majukumu ya Wizara ya Habari, Utamaduni, Sanaa na Michezo kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2017/2018.

MSEMAJI MKUU WA KAMBI YA UPINZANI KUHUSU WIZARA YA HABARI, UTAMADUNI, SANAA NA MICHEZO:

Taarifa ya Msemaji Mkuu wa Kambi ya Upinzani kuhusu Wizara ya Habari, Utamaduni, Sanaa na Michezo juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

145. MHESHIMIWA FAIDA MOHAMMED BAKAR (VITI MAALUM):


Atamuuliza Mheshimiwa Waziri wa Nchi, Ofisi ya Rais (TAMISEMI):- Majukumu ya Mbunge kwa kuzingatia matakwa ya Katiba ya Jamhuri ya Muungano wa Tanzania, Ibara ya 63 (3) yameainishwa kwa ujumla wake bila kubagua aina ya Ubunge; lakini Sheria Na. 16 ya Mwaka 2009 iliyounda Mfuko wa Maendeleo ya Jimbo (CDCF) imeonyesha ubaguzi mkubwa kwa kumtambua Mbunge wa Jimbo pekee ambaye ndiye aliyetajwa na Sheria hiyo kama Mwenyekiti wa Kamati ya Usimamizi wa Mfuko huo na kuwatenga Wabunge wa Viti Maalum licha ya kwamba Wabunge wote wanatekeleza majukumu sawa ya kuwatumikia Wananchi:-

Je; ni lini Serikali itarekebisha Sheria hii ili ijumuishe Wabunge wote ikiwemo Wabunge wa Viti Maalum.

146. MHESHIMIWA AHMED ALLY SALUM (SOLWA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Majengo mengi yaliyojengwa kwa nguvu za Wananchi katika Jimbo la Solwa kama vile vyumba vya madarasa, nyumba za Walimu na Zahanati yapo katika hatua za mwisho kukamilika:-

Je, kwa nini Serikali isione umuhimu wa kukamilisha majengo hayo ili yaweze kutoa huduma.



147. MHESHIMIWA MWANTUMU DAU HAJI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali imejipangaje kuhusu huduma ya Mabasi yaendayo kasi pale umeme unapokatika.

WIZARA YA KILIMO, MIFUGO NA UVUVI:

148. MHESHIMIWA PASCAL YOHANA HAONGA (MBOZI):

Atamuuliza Mheshimiwa Waziri wa Kilimo, Mifugo na Uvuvi:-

Je, ni lini Serikali itaanzisha Chuo cha Kilimo Wilaya ya Mbozi ili kutoa fursa kwa Wanafunzi wengi wanaohitimu kidato cha nne na cha sita Mkoa wa Songwe na maeneo mengine nchini ili waweze kupata mafunzo kwenye Chuo hicho.

149. MHESHIMIWA DKT. MARY MICHAEL NAGU (HANANG):

Atamuuliza Mheshimiwa Waziri wa Kilimo, Mifugo na Uvuvi:- Watumishi wa yaliyokuwa Mashamba ya NAFCO walishinda Kesi yao ya madai dhidi ya Serikali na Mahakama kuamuru Serikali kuwalipa mafao na madai yote; lakini Serikali imeendelea kukaa kimya kwa muda mrefu na hivyo kuwanyima haki yao jambo ambalo linasababisha adha kubwa kwa familia zao:-

Je, ni lini Serikali itawalipa haki yao waliokuwa Watumishi wa Mashamba ya NAFCO ikiwemo Shamba la Murjanda.

WIZARA YA MAMBO YA NDANI YA NCHI:

150. MHESHIMIWA HALIMA ALI MOHAMMED (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Kwa mujibu wa Ibara ya 19(1) ya Katiba ya Nchi kila mtu anayo haki na uhuru wa kuamini dini aitikayo lakini pia chini ya Ibara ya 15 (1) na (2) ya Katiba ni lazima Sheria zifuatwe:-

Je, ni kwa nini Wanawake wa Kiislamu wanapovaa Hijab Nikabu wanavuliwa na Maafisa Usalama Wanaume.

151. MHESHIMIWA DAIMU IDDI MPAKATE (TUNDURU KUSINI):

Atamuuliza Mheshimiwa Waziri wa Mambo ya Ndani ya Nchi:- Katika upande wa Kusini mwa Jimbo la Tunduru Kusini Wananchi takriban 200 wa Tanzania na Msumbiji huvuka Mto Ruvuma kila siku kutafuta mahitaji yao; upande wa Msumbiji wameweka Askari wa Uhamiaji ambao huwanyanyasa sana Watanzania kwa kuwapiga na kuwanyang'anya mali zao kwa kukosa Hati ya Kusafiria:-

Je, Serikali ina mpango gani wa kuweka Kituo cha Uhamiaji katika Kijiji cha Makande Kazamoyo na Wenje ili kuwapatia Watanzania huduma ya Uhamiaji.

WIZARA YA ELIMU, SAYANSI NA TEKNOLOJIA:

152. MHESHIMIWA JAPHET NGAILONGA HASUNGA (VWAWA):

Atamuuliza Mheshimiwa Waziri wa Elimu, Sayansi na Teknolojia:- Kujua na kusoma na kuandika ni nguzo muhimu sana katika maendeleo ya Demokrasia na kudumisha umoja na amani Nchini:-

Je, Serikali ina mpango gani wa kufufua elimu ya watu wazima kwa Vijana wote walio chini ya miaka 40.

WIZARA YA FEDHA NA MIPANGO:

153. MHESHIMIWA ZAINAB MUSSA BAKAR (VITI MAALUM):

Atamuuliza Mheshimiwa Waziri wa Fedha na Mipango:- Zanzibar ni sehemu ya Jamhuri ya Muungano wa Tanzania:-

Je, ni kwa nini *plate number* za vyombo vya moto ambazo ni za Tanzania Bara hazitumiki au haziruhusiwi Zanzibar na ni kosa ambalo linatozwa faini ya shilingi laki tatu (300,000/=).

WIZARA YA NISHATI NA MADINI:

154. MHESHIMIWA DANIEL NICODEMUS NSANZUGWANKO (KASULU MJINI):

Atamuuliza Mheshimiwa Waziri wa Nishati na Madini:- Hivi sasa yapata miaka 11 utafiti wa Mafuta na Gesi katika Mwambao wa Ziwa Tanganyika kwenye maeneo ya Kigoma, Rukwa na Katavi umefanyika au unaendelea kufanyika:-

- (a) Je, ni nini hali ya utafiti huo;
- (b) Bonde la Mto Malagarasi nalo limefanyiwa utafiti wa Mafuta na Gesi; Je, hali ya utafiti huo ikoje.

IV. HOJA ZA SERIKALI:

WAZIRI WA HABARI, UTAMADUNI, SANAA NA MICHEZO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Habari, Utamaduni, Sanaa na Michezo kwa Mwaka wa Fedha 2017/2018.

**DODOMA
5 MEI, 2017**

**DKT. T. D. KASHILILAH
KATIBU WA BUNGE**